

HUBUNGI SKUAD KUALA LANGAT / SEPANG:
NURUL FIRDAUS KHAIRI - 019-6680920/ 019-3371066

Dengar suara **minta tolong**

Penjual kerepek berdepan detik cemas, setengah jam terperangkap dalam lif

BANTING - Seorang penjual kerepek berdepan detik mencemaskan apabila terperangkap dalam sebuah lif hampir setengah jam di Pejabat Umno Bahagian Kuala Langat, petang semalam.

Seorang kakitangan Pejabat Umno Bahagian Kuala Langat, Fauzlan Ismail, 55, berkata, dia terkejut apabila mendapat tahu seorang wanita yang sering datang ke pejabatnya menjual kerepek terperangkap dalam lif bangunan itu.

"Sebenarnya pejabat ni 'blackout', jadi saya berhenti buat kerja dan cepat-cepat pergi tengok kotak suis.

"Lepas tu saya dengar suara orang minta tolong, sayup-sayup suara dia...rupanya ada orang terperangkap dalam lif, cepat-cepat saya telefon bomba," katanya.

Menurutnya, setibanya anggota bomba di lokasi terjadi-

an, wanita yang berusia dalam lingkungan 40-an itu dapat dikeluarkan selepas setengah jam terperangkap.

"Saya tengok dia dah berpeluh-peluh...dia tak kata apa-apa melainkan ucap terima kasih sebab menyelamatkan dia," katanya.

Sementara itu, Ketua Balai Bomba dan Penyelamat Banting, Mohd Jaslizad Jalil ketika dihubungi mengesahkan kejadian berkenaan.

Katanya, pihaknya menerima panggilan kira-kira jam 11.32 pagi semalam dan bergegas ke lokasi lapan minit kemudian.

"Anggota kita ambil masa 10 minit untuk dikeluarkan mangsa. Bagaimanapun, mangsa selamat dan khidmat khas lif sangkut itu berjaya membuktikan anggota bomba terus beri pelbagai perkhidmatan kepada orang awam," katanya.



Anggota bomba ketika bertungkus-lumus mengeluarkan mangsa yang terperangkap dalam lif Pejabat Umno Bahagian Kuala Langat, semalam.

Permohonan turap jalan diluluskan

BANTING - Tindakan penduduk Jalan Tanah Bakar, Banting mengumpulkan tandatangan bagi memohon peruntukan menurap jalan sepanjang 500 meter akhirnya berbaloi apabila Pejabat Tanah dan Daerah Kuala Langat meluluskan permohonan tersebut.

Adun Telok Datok, Loh Chee Heng berkata, kerja-kerja menurap jalan sepanjang 500 meter di hujung jalan Tanah Bakar berkenaan akan dimulakan akhir bulan ini.

Menurutnya, beliau mengakui laluan itu adalah laluan persendirian namun digunakan penduduk untuk aktiviti seharian mereka.

“Lepas ni bila jalan dah turap, ia dapat lancarkan aktiviti harian penduduk. Saya harap mereka dapat memanfaatkan kemudahan itu sebaiknya,” katanya kepada *Sinar Harian*.



Chee Heng (kiri) sempat mengadakan lawatan ke kawasan laluan yang bakal diturap semalam.